

ՈՐՈՇՈՒՄ ԹԻՎ 20-110

**ԿԱԼԻՖՈՐՆԻԱ ՆԱՀԱՆԳԻ ԳԼԵՆԴԵԼ ՔԱՂԱՔԻ ՔԱՂԱՔԱՅԻՆ ԽՈՐՀՐԴԻ
ՈՐՈՇՈՒՄԸ՝ ԵՐԿԱՐԱԶԳԵԼՈՒ ԳԼԵՆԴԵԼ ՔԱՂԱՔԻ ԱՐՏԱԿԱՐԳ
ԻՐԱՎԻՃԱԿՆԵՐԻ ԼԻԱԶՈՐՈՒԹՅԱՆ ՆԵՐՔՈ ՀՐԱՊԱՐԱԿՎԱԾ ՆԱԽԿԻՆ
ՈՐՈՇՈՒՄԸ, ՈՐՈՎ ՏՐՎԵԼ ԵՆ ԲՆԱԿԵԼԻ ՏԱՐԱԾՔՆԵՐԻ ՎԱՐՁԱՎՃԱՐԻ
ԲԱՐՁՐԱՑՄԱՆ ՄԱՍԻՆ ՀԱՆՐԱՅԻՆ ՀՐԱՄԱՆՆԵՐ՝ COVID-19-Ի ՊԱՏՃԱՌՈՎ;
ԵՎ ԱՅԼ ՀԱՐԱԿԻՑ ԵՎ ՕՐԻՆԱԿԱՆ ՆՊԱՏԱԿՆԵՐԻ ՀԱՄԱՐ**

Հաշվի առնելով, որ միջազգային, ազգային, նահանգային և տեղական առողջապահական և կառավարական մարմիններն արձագանքում են շնչառական հիվանդության բռնկման հետևանքներին, որն առաջացել է Կորոնավիրուս 2019 (COVID-19)՝ նոր տիպի կորոնավիրուսով պայմանավորված ծանր սուր շնչառական հիվանդության պատճառով, և վիրուսի ախտանիշների թվում են՝ ջերմությունը, հազը և դժվար շնչառությունը, իսկ վարակված անձանց շրջանում տարբեր արդյունքներ են գրանցվել՝ թեթև հիվանդությունից մինչև ծանր հիվանդություն և մահ; և

Հաշվի առնելով, որ 2020 թվականի մարտի 4-ին Կալիֆոռնիա նահանգի նահանգապետը հայտարարեց արտակարգ դրություն՝ լրացուցիչ ռեսուրսները մատչելի դարձնելու, նահանգային բազմաթիվ գործակալություններում և գերատեսչություններում արդեն իսկ սկսված արտակարգ իրավիճակի գործողությունները պաշտոնական դարձնելու և նահանգում COVID-19-ի ավելի լայն տարածմանը նախապատրաստվելուն օգնելու նպատակով; և

Հաշվի առնելով, որ 2020 թվականի մարտի 4-ին Լոս Անջելեսի վարչաշրջանի վերակացուների խորհուրդը և Հանրային առողջության վարչությունը հայտարարեցին տեղական և հանրային առողջության արտակարգ իրավիճակ՝ ի պատասխան երկրում կորոնավիրուսի տարածման աճին; և

Հաշվի առնելով, որ 2020 թվականի մարտի 13-ին Ամերիկայի Միացյալ Նահանգների նախագահը հայտարարեց ազգային արտակարգ իրավիճակ և հայտարարեց, որ դաշնային կառավարությունը մատչելի կդարձնի արտակարգ իրավիճակների ֆինանսավորումը, որպեսզի աջակցի նահանգային և տեղական իշխանություններին՝ կանխելու COVID-19-ի տարածումը և անդրադառնալու դրա հետևանքներին; և

Հաշվի առնելով, որ 2020 թվականի մարտի 16-ին Գլենդելի քաղաքային խորհուրդը, համաձայն Գլենդելի Քաղաքային օրենսգրքի 2.84 գլխի, հայտարարեց տեղական արտակարգ դրություն և կարգադրեց փակել և մուտքի սահմանափակումներ կիրառել որոշ հասարակական հաստատությունների վրա; և

Հաշվի առնելով, որ 2020 թվականի մարտի 24-ին Քաղաքային խորհուրդը թիվ 20-33 որոշմամբ երկարաձգեց նախորդ կարգադրությունները մինչև 2020 թ. ապրիլի 30-ը, և ըստ Կոստա-Հոքինսի՝ վարձակալությամբ տրվող տների մասին օրենքի՝ վարձավճարի բարձրացման սառեցումից չազատված ցանկացած վարձակալական միավորի (նախքան 1995 թ. փետրվարի 1-ը կառուցված միավորներ, առանձնատներ և անհատական համատիրության շենքեր) վրա սահմանեց վարձավճարի բարձրացման սառեցում; և

Հաշվի առնելով, որ 2020 թվականի մարտի 25-ին Արտակարգ իրավիճակների ծառայության տնօրենը հրապարակեց թիվ 5 հանրային հրամանը, որով նախատեսում է, որ վարձավճարի բարձրացման սառեցման հրամանը կիրառվի վարձավճարների բարձրացումը կանգնեցնելու համար, անկախ այն բանից, թե նախկինում երբ է ներկայացվել վարձավճարի բարձրացման ծանուցումը, և որ յուրաքանչյուր տանտեր, ով ցանկանում է բարձրացնել վարձավճարը պետք է այդ մասին նոր ծանուցում ներկայացնի՝ այս հրամանի գործողության ժամկետի ավարտից հետո;

Հաշվի առնելով, որ 2020 թվականի ապրիլի 14-ին Քաղաքային խորհուրդը թիվ 20-41 որոշմամբ վավերացրեց վարձավճարի բարձրացման սառեցման վերաբերյալ թիվ 5 հրամանը և երկարաձգեց բոլոր հանրային հրամանները մինչև 2020 թվականի մայիսի 15-ը, և 2020 թվականի մայիսի 12-ին թիվ 20-56 Որոշմամբ քաղաքային խորհուրդը երկարաձգեց այն մինչև 2020 թվականի հունիսի 30-ը, և թիվ 20-93 Որոշմամբ քաղաքային խորհուրդը երկարաձգեց այն մինչև 2020 թվականի հուլիսի 31-ը;

Հաշվի առնելով, որ վտանգի նման պայմանները շարունակում են գոյություն ունենալ, և անհրաժեշտ են դարձնում նախնական որոշումների և հանրային հրամանների ժամկետները երկարաձգելը և լրացուցիչ պաշտպանության միջոցների ձեռնարկումը՝ հանրային առողջության և անվտանգության պահպանման համար.:

ԳԼԵՆԴԵԼԻ ՔԱՂԱՔԱՅԻՆ ԽՈՐՀՐԴԻ ԿՈՂՄԻՑ ՈՐՈՇՎՈՒՄ Է, որ


ԲԱԺԻՆ 1. Թիվ 20-93 Որոշման գործողության ժամկետը, որը վերաբերում է արտակարգ դրության հանրային հրամաններին՝ բնակելի տարածքների վարձավճարների բարձրացման դադարեցման վերաբերյալ, սույնով երկարաձգվում է մինչև 2020 թվականի օգոստոսի 31-ը:

ԲԱԺԻՆ 2. Եթե սույն հանրային հրամանի կամ դրա կիրառման որևէ դրույթ անվավեր է ճանաչվում համապատասխան իրավասության դատարանի կողմից, ապա այդ անվավերությունը չպետք է ազդի հրամանների կամ սույն որոշման այլ դրույթների, բաժինների կամ դիմումների վրա, որոնք կարող են ուժի մեջ մտնել առանց անվավեր դրույթի կամ դիմումի, և այդ նպատակով՝ յուրաքանչյուր արտահայտություն, բաժին, նախադասություն կամ բառ հայտարարվում է բաժանելի:

ԲԱԺԻՆ 3. Վերոնշյալ հանրային հրամանների ցանկացած խախման դեպքում կարելի է դիմել քաղաքային դատախազի գրասենյակ՝ հետաքննության համար՝ Գլենդելի Քաղաքային օրենսգրքի 1.20 գլխով սահմանված կարգով, որը նախատեսում է տուգանքներ՝ ոչ ավել, քան \$1,000-ի չափով, կամ ազատազրկում՝ ոչ ավել, քան վեց ամիս ժամանակով: Յուրաքանչյուր իրավապահ աշխատակից պետք է օգտագործի իր հայեցողությունը՝ այս հրամանի կիրառման շրջանակներում խախտումների համար, և մշտապես մտապահի հրամանի նպատակը: Խախտումները կարող են իրավական լուծում ստանալ նաև Գլենդելի քաղաքային օրենսգրքի 1.24-րդ գլխի դրույթներով, որոնք նախատեսում են տուգանքներ՝ այնտեղ ամրագրված այլ իրավապահական մեխանիզմների հետ մեկտեղ՝ առաջին դատակոչի համար՝ \$400 տուգանք, երկրորդ դատակոչի համար՝ \$1,000 և երրորդի համար՝ \$2,000:


ԲԱԺԻՆ 4. Սույն որոշումը և համապատասխան կարգադրությունները չեն փոխարինում Լոս Անջելեսի վարչաշրջանի կամ Կալիֆորնիայի նահանգի կողմից սահմանված ավելի խիստ սահմանափակումներին:

Ընդունվել է Գլենդել քաղաքի խորհրդի կողմից սույն թվականի հուլիսի 21-ին:




Mayor

ATTEST:



City Clerk

APPROVED AS TO FORM




CITY ATTORNEY

DATE 7/21/2020

ԿԱԼԻՖՈՐՆԻԱՅԻ ՆԱՀԱՆԳ
ԼՈՍ ԱՆՋԵԼԵՍԻ ՎԱՐՉԱՇՐՋԱՆ
ԳԼԵՆԴԵԼ ՔԱՂԱՔ

Ես՝ Արամ Աճեմյանս՝ որպես Գլենդելի քաղաքային խորհրդի քարտուղար, սույնով հաստատում եմ, որ վերը նշված թիվ 20-110 Որոշումն ընդունվել է Կալիֆորնիա նահանգի Գլենդել քաղաքի քաղաքային խորհրդի կողմից՝ կանոնավոր ժողովի նիստում, որը տեղի է ունեցել 2020 թվականի հուլիսի 21-ին, և որ նույն որոշումն ընդունվեց հետևյալ քվեարկության արդյունքներով.

Կողմ՝	Բրոթման, Դիվայն, Քասսիյան, Նաջարյան, Աղաջանյան
Դեմ՝	Չկա
Բացակա՝	Չկա
Ձեռնպահ՝	Չկա


City Clerk